

余富貴貧賤乎帝乃悟知是神人方下筆
誓首礼謝曰朕以不德承統先業才不任大
憂於不堪雖治世事而心敬道德直以闇昧
笑所不才惟蒙道君弘慈有以教之則幽夜
觀太陽之耀光何上公即授素書老子道德
經章句二卷謂帝曰熟研此則所疑自解自余
往是經以來千七百餘年凡傳三人連子四矣勿
亦非其人文帝跪受經言畢失公所存論者
以文帝好老大道世人不能盡通其義而精
思邀感仰徽太上道君遣神人特下教之便去
耳恐文帝心未純信故亦神變以悟帝意欲成
其道真時人因号曰河上公焉

太極左仙公葛玄曰老子以上皇九年正月十二
日丙午太歲丁卯下為周師到无極九年太歲
癸丑五月壬午去周西度開關令尹喜宿命
合道豫占見紫雲西邁知有道人當度仍
齋潔燒香想見道真以其年十二月廿五日老
子度關也嘉見老子奉迎設礼自稱弟子
老子曰汝應為此究利天下棄賢世傳弘大

道子神仙者矣以廿八日中時授太上道德經義洞虛元大无不苞細无不入聖王不能盡通其義昔漢孝文皇帝好大道終客无為之堂嘆凡聖無能解此玄奧而精思遠感上微太上道君遣真人下授文布微之言道人即信誓傳授至人此字授定外儒所行雜傳多誤今當參校此心之使與玄洞相應十方諸天人神仙天地鬼神所宗奉文同無一異矣吾已於諸天神仙大聖授定受傳天人至士賢儒當宗極心真弘道大度何可不精得聖人本文者乎吾所以有言此欲正玄妙於天地人耳今說是至矣明矣夫學仙者必能弘幽顯道士鄭思遠曰余家師葛仙公受太極真人教徐來朝道德經上下二卷仙公曩者所好加親見真人教以口訣此文道之祖宗也誦經万遍衷心注玄者皆必升仙左尊是書日夕朝拜朝拜顯念具如靈寶法矣君子宜弘之焉仙公常秘此言無應仙之相好者不傳也

太極隱訣

顏監注

秘書監上護軍琅邪縣開國子